

Në kuadër të nismës "Barazia gjinore dhe fuqizimi i grave: Çelësi i suksesit në politikën e ndërmarrë dhe përfshirja e të rinjve" me mbështetjen e UnWomen Albania, Observatori për të Drejtat e Fëmijëve, realizoi disa aktivitete në kuadër të fushatës së 16 Ditëve të aktivizimit kundër dhunës me bazë gjinore. Në bashkëpunim me nxënës të shkollave të mesme "Abdulla Keta" dhe "Petro Nini Luarasi", u realizua një ekspozitë me vizatime të ndryshme. Kjo ekspozitë u prezantua përkrah në datën 25 Nëntor, që përkon me ditën e ndërkombëtarë të dhunës ndaj grave dhe vajzave.

Objektivat e Ekspozitës:

Të angazhohen të rinjtë (djem dhe burra) në fushatën e dhunës kundër vajzave dhe grave.

Të pranishëm në këtë aktivitet ishin përfaqësues nga shkolla pritëse "Abdulla Keta, Drejtoresha e shkollës "Abdulla Keta" nxënës nga shkolla "Abdulla Keta", nxënës nga shkolla "Petro Nini Luarasi", Mësues dhe psikologe të dy shkollave Advokacy voice, Z. Erald Bakalli zv rektor Universiteti i Arteve Tiranë, përfaqësuar Observatori për të Drejtat e Fëmijëve.

Gjatë aktivitetit nxënësit u njohën më punimet e njëri tjetrit mbi tematikën e dhunës dhe barazisë gjinore.

Një muaj më parë nxënës nga të dy shkollat e përzgjedhura si pjesë e fushatës morrën pjesë në një trajnim mbi fushatën tematikë të dhunës me bazë gjinore.

Gjatë trajnimit nxënësit u njohën me termat e ndryshme: barazi gjinore, gjini, stereotip, trajtim i barabartë etj. Çështjet e diskutimit u orientuan në temat e dhunës në familje, dhuna ndaj moshatarve, dhuna në komunitet.



ESE MBI FENOMENIN E DHUNES DHE BARAZISE GJINORE

Dhuna, pjesë e së shkuarës dhe për fat të keq vazhdon të jetë fenomen i së tashmes. Gjithsecili duhet të bëjë diçka tani në mënyrë që ajo të mos jetë seriozitet problem në të ardhmen. Të dhunosh do të thotë të ngresh dorë, të godasësh, apo të shtyah fizikisht. Dhunë gjithashtu do të thotë edhe të ngresh zërin, të bërtasësh, të ushtrosh presion dhe të kufizosh lirinë e një personi. Dhuna, shfaqet në forma të ndryshme dhe le plagë të mëdha të individët e prekur prej saj. Plagët mund të jenë fizike, mendore, shpirtërore, emocionale apo psikologjike. Plagët fizike dhembin njëherë por shërohen dhe zhduken me kalimin e kohës, ndërsa plagët psikologjike mbeten gjithmonë aty, të dhembin sa herë i prek, nuk shërohen. Ato të shoqërojnë gjatë gjithë jetës. Dhuna nuk justifikohet. Nuk e bën se je nën efektin e pijeve alkoolike apo sepse je i stresuar. Dës dhunojnë për të nxjerrë të gjithë shqetësimet, problemet, streset që u jep jeta. Përpara se të dhunosh duhet të mendosh se ajo nuk zgjidh asgjë, por përkundrazi hap një problem të ri. Ajo e shkatërron jetën e njerëzve. Të gjithë duhet të ndërjegjësohemi të ndalojmë dhe t'i themi stop çdo forme të dhunës!

Megi Mara

Shkolla "Abdulla Keta"



Shpeshhere dëgjojmë termin "barazi gjinore". Shpeshhere dëgjojmë të flitet për të. Dëgjojmë të flitet për gratë si të barabarta me burrat. Se si ato gjithnjë e më shumë po marrin një rol dominues në shoqëri. Por në të vërtetë sa të barabartë janë gratë me burrat? Është e vërtetë që situata vitet e fundit ka ndryshuar në favor të grave. Gjithandej në ekrane, kompani, apo institucione të tjera po shohim se grave ju është lënë një hapësirë më e madhe. Gratë tani po luajnë një rol të rëndësishëm në jetën e përditshme, si në aspektin profesional ashtu edhe në aspektin privat. Gjithnjë e më shumë po vihet re dëshira dhe siguria që kanë në vetvete për të ecur përpara në jetë me këmbët e tyre. Por, përveç kësaj ka edhe të tjerë të cilët kanë rol të femrës e shikojnë si një cënim të pozitës apo rolit që meshkujt, gjoja seksi dominant, u takonë me të drejtë. Ata nuk bëjnë gjë tjetër vecse ndryshin rolin e femrës duke e bërë atë në disa raste të varur dhe të pasigurt. Në shumë vende femra nuk paguhet njësoj si mashkulli e në shumë të tjera nuk ka arritur as të drejtën e votimit dhe duhet thjesht të qëndrojnë në shtëpi duke u kujdesur për shtëpinë, fëmijet dhe familjen. Siç e thashë në fillim femra gjithnjë e më shumë po behet e barabartë me mashkullin, por duhet të shtoj se përsëri femra nuk është dhe nuk do të jetë e barabartë me mashkullin vetëm prej mentalitetit që i rrethon njerëzit gjithandej. Prandaj nëse duam me të vërtetë të bëjmë një ndryshim duhet që ta nisim nga vetja jonë.

Shkolla "Abdulla Keta"

